

Ш.Қ. «Ерсұлтан» жеке «Балбөбек» бөбекжай балабақшасы.

Тақырыбы: «Әз- Наурыз»

Өткізгендер: Д.А. Тлесова

А.Ш. Ихсанова

2024-2025 ЖЫЛ

Қош келдің, әз наурыз!

Мақсаты: «Наурыз» мейрамы туралы түсінік беру арқылы қазақ халқының салт-дәстүрлерін көрсету және оны құрметтей білуге тәрбиелеу. Наурыз мерекесінің қазақ даласындағы орны, наурыз мерекесі туралы түсінік беру, Наурыз мерекесін ұлттық салт-дәстүрімізбен, әдет-ғұрпымызбен байланыстыра насихаттап, ұрпақтардың өз ұлтына деген сүйіспеншілігін арттыру.

Жүргізуші:

Армысыздар ағайын!

Наурыз қайта оралды аты аңыз,

Сұраймыз алғыста біз, ақы да біз

Үй-дастархан, даламыз сахнамыз,

Ұлы мейрам Наурызға шақырамыз!

Ұлыс оң болсын!

Ақ мол болсын!

Құрметті қонақтар, «Балдәурен» тобындағы өткізіліп жатқан

«Қош келдің әз Наурыз!» атты шарамызға қош келдіңіздер!

Жүргізуші:

Алқа-жұртым, той думан

Ортамызды ашайық

Ән мен күйді төгіп біз,

Инжу маржан шашайық деп «Наурыз келді жаңа жыл» әнін шырқайық!

Ән: «Наурыз келді жаңа жыл»

Жүргізуші: Осы көктемнің мерекесіне арналған балаларымыздың тақпақтарын қабыл алыңыздар.

Асылым

Наурызбен құттықтап,

Алыс жақын қауышты.

Көктемдегі жарқын сәт,

Көңілдерге ауысты

Жанай

Жылдың басы наурыз,

Жырдың басы наурыз.

Наурызға арналсын,

Бүгінгі жыр әніміз.

Сафия

Көктем келді, балақай,

Жасарды жер, алақай.

Наурыз тойын тойлайық,

Әсем әнге салайық.

Аянт

Уа, ағайын халайық,
Мұнда назар салайық!
Мерекесі халықтың
Наурыз тойы бастайық!

Айсәуле

Жеті түрлі дән салып,
Дәм татқызған наурыз.
Жақсылық тілеп халыққа,
Молшылық әкелсін наурыз

Нұртөре

Наурыз тойы — тамаша,
Наурыз тойы — жаңаша.
Табиғат та тамаша,
Тамылжып тұр жараса

Хамзат

Наурыз келді еліме,
Наурыз келді жеріме.
Байлық, бақыт тілеймін,
Бүкіл қазақ еліне.

Ислам

Наурыз тойым, Наурыз тойым.
Құтты болсын халайық!
Қане, достар, қане, достар,
Шырқап әнге салайық.

Ханшайым

Наурыз – бұл мереке
Құтты болсын береке
Қыдыр ата келсін
Жақсы тілек әкелсін.

Алина

Наурыз келді алақай,
Кел билейік балақай,
Бізде қарап тұрмайық,
Тойға шашу шашайық!

Исламбек

Ұлыс күні қазан толса
Ол жылы ақ мол болар.
Ұлы кісіден бата алса,
Сонда ол жылы жол болар.

Әбілмансұр

Жыл басы -- Наурыз мерекесі,
Ақ нұрға әлем боялды,
Наурыз тойы берекесі
Тіршілік жаңа оялды!

Қонаққа әже келеді: Амансыңдарма балаларым, наурыз мерекелерің құтты болсын!
Әжені орындарынан тұрып қарсы алады./ Амансызба әже төрлетіңіз! Ұлыстың ұлы күні наурыз мерекесі құтты болсын!

Әже балаларға наурыз көжесін ұсынады.

Тәрбиеші: Әже наурыз көжені қалай дайындайды?

Әже: Наурыз көже Наурыз мейрамының негізгі тағамы. Оған жеті түрлі тағам қосылады. Қыстан қалған сүр ет, айран, сүт, тұз, құрт, тары, бидай. 7 саны киелі сан. Ал, наурыз көже тоқшылық белгісі.

Жүргізуші:

Ұлы күні ұлыстың,
Басы болғай ырыстың.
Ұлыстың ұлы күнін қазақ халқының ұлттық биі.

Би: «Қазақ биі»

Тәрбиеші: Дастарханымыздан ешқашан ырыс берекесі кетпесін дей отырып кезекті «Дастархан» әнімізге берейік.

Әже: Өздерің өнерлі екенсіңдер, рахмет балаларым! Біздің халық салт-дәстүрге бай халық. Сол дәстүріміздің бірі бесікке салу рәсімін көрсетейін. Бұл бесік, көрпесі, жастықшасы, баулары, аяқбауы, жөргегі, түбегі, шүмегі болады. Осыларды дайындап алып бесікті отпен аластаймыз.

Алас алас алас
Бар пәледен алас
Ағынды сумен кетсін
Алас, алас, алас
Енді сәбиді жатқызамыз. /Тыштыма рәсімін көрсетеді/
Сәби тыныш ұйықтасын деп бесік жырын айтады.

Әлди әлди ақ бөпем,
Сендей сәби жоқ көкем.
Анам, әжем дейсің бе,
Тілің сенің тәтті екен
Әлди, әлди, әлди

Тәрбиеші: Әже сізге көп-көп рахмет. Біздің балалар сізден көп нәрселер үйренді. Сізге арналған әніміз бар.
Ән «Жақсы көрем ата әжемді»

Ойын: Күш сынасу

Ал енді күш сынасуға, әркімнің өз ептілігін сынауға уақыт келіп жетті.

Ойын: Арқан тартыс

Әже: Ал, Қарақтарым мен енді қайтайын басқада ауылдарға баруым керек. Қош сау болыңдар. Келесі наурызға аман-есен жетейік.

Балалар: Сау болыңыз эже.

Тәрбиеші: Балалар тобымызға барып әжемiз әкелген наурыз көжеден дәм татайық.